

Šefovi međunarodnih agencija izrazili duboku zabrinutost nedostatkom napretka u reformi obrazovanja

Jučer su se susreli šefovi međunarodnih agencija, uključenih u reformu obrazovanja (Misija OSCE-a u BiH, Ured visokog predstavnika, Evropska komisija, Vijeće Evrope, Svjetska banka), ambasadori Velike Britanije, Austrije i Finske (koju predstavlja Njemačka) i ambasador Norveške, kojom prilikom su razgovarali o trenutnoj situaciji, kao i o prioritetima za 2006. godinu, u oblasti reforme obrazovanja u BiH.

Oni su izrazili svoju duboku zabrinutost nedostatkom napretka na općem polju reforme obrazovanja, i složili su se da, između mnogih hitnih pitanja koja zahtijevaju pažnju bosanskohercegovačkih vlasti, prioritet u 2006. godini bude uspostava obrazovne agencije na državnom nivou, kao i brzo usvajanje i implementacija obrazovnih zakona, koji su sada „na čekanju“, počevši sa novim nacrtom Zakona o visokom obrazovanju.